

## Wien, Österreichische Nationalbibliothek (ÖNB), Cod. 1562

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

311

## C O D I C E S

312

*ad Philipp. ad Coloff. ad Philem. ad Titum*, ubi tamen nihilo plus quam in *edit. suprac.* ut adeo querelae de mutilis hujus *Epistolae Commentariis*, quam Editor fol. 287. tollit, e nostro *Cod.* mederi nequeamus. Finem facit *Epistola ad Hebreos*, quae et ipsa tamen in iis ad C. 13. verbis: *beatus petrus hortatur dicens christus passus est* — abrumpitur. Ut vero initium etiam *Codicis adponamus*, incipit ille: *A Chorintho Civitate Metropoli Achaię Regionis. scripsit apostolus paulus romaniς &c.* Id ceterum peculiare habet, quod in usum fortassis *Oratorum sacrorum titulis Capitum plerumque adscriptum sit nomen Dominicae aut Festi cuiuspiam*, quod nempe talis Capitis materia pro concione illa die habenda subservire queat. *Commentaria Nostri in Apocalypsin* indicantur *Cod. CCLXXXIII.*

CXVII. VIII. 3.

352 Codex membraneus lat. Sec. XII. Folior. nunc 100. f. per duas columnas scriptus, variisque in locis ope marginum subpletus in ipsa Theca exteriore: *Glose magistri Gisilberti in paulum apostolum*, fol. vero et p. 1. *Glosata vel Glosatura magist. Gisilberti in paulum apostolum* inscribitur. Atque hac ipsa voce utitur *Albericus Monach.* in *Chron.* dum ait *Gilbertum (Gisilbertum, Gislebertum) Romae laudatum fuisse, quod correctus (ob opinan-*

di licentiam) fecisset minorem *Glossaturam continuam in Psalterium et in Epistolas Pauli.* Quod addit: *in sequendo dicta Beati Augustini et alia, quae recipiuntur*, manifeste probat, de nostro praesenti *Commentario Sermonem ei fuisse*; quamvis enim ex *Ambroſii etiam, Origenis et Hieronymi dictis conflatus fit*, maximam tamen paginam *Augustinus* facit. Est vero *Gilbertus* hic famosus ille *Piclaviensum Antistes dictus de Porreta a. 1154.* vivis exemptus, de quo copiose *Oudinus T. II. col. 1276.* Opus illius, quod prae manibus habemus, utut scripta non desint *Exemplaria*, quae in *Lelongii Bibl. Sacra, Montefalconii Bibl. Biblioth. Mss.* et ipso *Oudino* habes, typis nunquam expressum putem, idque ideo, quod pene nunquam propriis verbis utatur *Autor*, PP. dicta recitare contentus. Codex unus e tribus, qui in *Catal. Bibl. Reg. Parif. P. III. T. III. p. 299.* indicantur, *Oudino* teste incipit: *Sicut Legis ita et Evangelii &c.* ex quo infero, Exemplo nostro *Praefationem* deesse; initium enim ejus est ab *Exordio Epistolae ad Romanos: Paulus Servus &c. More* scribentium *epistolas premitit salutationem &c.* Deficit in *Expositione Epistolae II. ad Timotheum* c. 3. his verbis: *errantes ipsi et alios in errorem mittentes. Quales sunt qui se ad temptationes non parant sed buius seculi felicitatem — — .*

CXVIII.

## Wien, Österreichische Nationalbibliothek (ÖNB), Cod. 1562

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

313

## HERMENEUTICI.

314

CXVIII. VI.C.D

<sup>136</sup> Codex membraneus lat. Sec. VIII. Folior. 78. f. formae oblongae, probe scriptus, sed marginibus a tempore adrofis, atramentoque hinc inde evanido continet *Incerti Commentaria in Epistolam Pauli ad Romanos*, quae absque titulo continuo sic incipiunt: *Principia rerum requirenda sunt ut notitia earum possit baberi &c.* Atque ita usque ad finem fine ulla divisione in Capita aut Sectiones decurrunt, adspersis va-

riis aut in margine aut inter lineas emendationibus five supplementis, quorum singulare glossema Theotiscum uider uiuendende verbis Pauli *reciprocam mercedem recipientes* c. I. v. 27. nobis fol. 9. p. 2. impositum. Ultima verba sunt: *quia si beneficiorum eius memores sumus semper nos tuebitur. sicut dicit ecce ego inquit uobiscum sum usque ad consummationem seculi. Amen.* Fol. ult. p. 2. haec sequuntur: *Incipiunt uerisculos.*

*Codicis huius ouans uolui confringere pennam.  
Spinas quas animo scriptor congesit inerti.  
Quique legis precibus pro me pulsare tonantem.  
Digneris ualeas si christi uiuere regno.*

Item alii.

*Qui sternit per bella truces fortissimus heros.  
Rex carolus nulli cordis fulgore secundus.  
Non passus sentes mendarum serpere libris.  
En bene correxit studio sublimis in omni.*

*Uuinidbarius peccator scripsit istum librum Amen. Explicit Liber, quem distauit originis In illis diebus christianus fuit. Sed postea de prauatum est mens eius post uana. sed uos qui legitis non dubitetis, legere quia proficit uobis si retinetis. Et orate pro scriptore si habeatis deum adiutorem In die iudicii. sic fiat fiat fiat. amen amen. amen. Falli se passus est a Winidbario Lambecius, qui de praesenti Codice agit L. VIII. p. 645. Explanationemque Origeni tribuit, hic enim, cum anno 253. deceserit,*

aut *Operis esse nequit, in quo Photini haeresis memoratur annis demum 347 — 49. damnata, ipso Photino an. 376. juxta Hieronymi computum ad plures digresso.* Atqui hoc in praesenti fit *Commentario ad ipsum Pauli C. I. v. 1. nobis fol. 1. p. 2. Ambrosii* potius nomine illum diu multumque gavifum fuisse testes sunt *Editores Ambrosii Mauriani in Admonitione illi praemissa ad calcem T. II. inter Tractatus suppositios p. 21. quibus utinam et nostrum Exemplar inspicere contigit,*